

劉兆祐博士主編
中國史學叢書三編

萬曆重修泉州府志
(四)

臺灣學生書局 印行

劉兆祐博士主編
中國史學叢書三編

萬曆重修泉州府志
(四)

臺灣學堂書局
印行

萬曆重修泉州府志二十四卷／（明）陽思謙修，徐敏學、吳維新纂 --影印本--臺北市：臺灣學生，民76
16,1858面；4 册，21 公分--（中國史學叢書第三編，第四輯；38）劉兆祐主編
據國立中央圖書館臺灣分館藏明萬曆壬子（四十年）刊本影印

1.中國一史料 I／（明）陽思謙修，徐敏學、吳維新纂
II集叢名 III劉兆祐主編
618/8658 V.38

第四輯 中國史學叢書三編

劉兆祐博士主編

國立中央圖書館臺灣分館藏本
萬曆重修泉州府志二十四卷

修者：明·陽

纂者：明·徐敏學、吳維新

出版者：臺灣學生書局

本書局登記：行政院新聞局出版臺業字第一一〇〇號

發行人：丁文

發行所：臺灣學生書局

臺北市和平東路一段一九八號
郵政劃撥帳號：〇〇〇二四六八
電話：三二一四一五六・三二一四〇九七

香港總經銷：藝文圖書公司

地址：九龍又一村達之路三十號地下後座
電話：三三八〇五八〇七

中華民國七十六年六月初版

泉州府志卷十八

人物志中之中

列傳

梁克家字叔子晉江人幼聰敏書過目成誦紹興
末進士第一授平江簽判召爲秘書省正字遷著
作佐郎時災異數見奏宜下詔求言既得旨遂條
六事曰正心術立紀綱救風俗謹威柄定廟算結
人心累遷中書舍人乾道三年郊祀雷震復條六
事遷給事中事多執奏無隱每勸上開言路上欣
納因命條具風俗之弊乃列四條曰欺罔苟且循

默奔競上嘉獎五年拜端明殿學士簽書樞密院
事遂叅知政事又兼知院事在政府與虞允文可
否相濟允文主恢復克家密諫數不合力去上
曰兵終不可用乎克家曰財用不足何以集事上
改容曰朕將思之詰朝上面諭曰朕終夜思卿言
至當毋庸去八年拜右丞相兼樞密使允文既罷
相克家獨秉政近戚權倖不少假借而外濟以和
張說入樞府謀中傷士夫不附已者克家悉力調
護善類賴之議金使朝見授書儀說欲移文對境
以正其禮克家議不合遂求去以觀文殿大學士

知建康府陞辭上以治效爲問克家勸上無求奇
功既而三省密院卒移牒泗洲敵不從遣泛使來
奉朝震駭後二年湯邦彥坐使事貶天下益服克
家謀國之忠淳熙八年起知福州召除醴泉觀使
九年拜右丞相封儀國公十三年以內祠兼侍讀
明年卒年六十贈少師謚文靖克家風度峻整爲
文渾厚明白自成一家辭命尤溫雅多行于世
梁億字伯安克家子也襟度夷粹母秦國夫人剛
嚴奉事無違博親師友講學不倦以父任補官累
遷主管西外睦宗院通判福州卒嘗著論語集解

上之秘府進官一秩孫均通判信州

傳自得字安道其先濟源人父察第進士官吏部
員外郎宣和七年遣接伴金使時金將入寇察抵
韓城遇金酋幹離不脇使拜不屈而死事聞贈徽
猷閣待制賜謚忠肅自得隨母趙氏避地居泉爲
晉江人以父死國補官幼時賦玉界尺詩李邴異
之因歸以女三應博學宏詞科不與遂不復應舉
杜門讀書不輟乾道間曾覲總管福建聞其名遣
使招之辭不應所著有至樂齋文集三十卷後官
至漕使弟自脩子伯壽伯成同登進士

二傳舊志
俱有傳今

存其

傅自脩字動道紹興中監泉市舶務秩滿務之宿弊十去八九後番商爲貪吏所困號泣岸下或詰之對曰昔官有鬚而白者主我故多載今不見此官人衆奪殆盡聞于朝由福建機幕除提舉福建市舶榷髻之民舉手相賀知潮州海寇_不殲自脩招降之請于朝籍爲水軍賴以控扼海道累官直寶文閣將漕江西卒

傅伯成字景初少從朱熹學隆興元年與兄伯壽同登第歷官知連江縣力爲民疏築水利民蒙其

惠慶元初爲大府寺丞進言呂祖儉不當以上書
貶朱熹不當目以僞學又言朋黨之弊起於人主
好惡之偏坐是不合出知漳州以律已愛民爲本
推熹遺意而遵行之累遷工部侍郎時韓侂冑方
議開邊語尚秘伯成言天下之勢譬如乘舟歲月
既久罅漏寢多苟安旦夕猶懼覆敗乃欲徼倖圖
古人之所難臣則未之知也相府災同列相率往
唁或以爲偶然者伯成正色曰天意如此官師相
規時也以爲偶然可乎宰相色動遂陳三事一曰
失人心二曰隳軍政三曰啟邊釁言甚痛切准

侍郎官權幸有私謁者皆峻拒之出爲湖廣總領
朝議欲納金人之叛降者伯成言不宜輕棄信誓
之戒將帥毋使生事御史中丞鄧友龍劾罷之嘉
定更化召對面論前日失於戰今日失於和今之
策雖主於和尤宜惜日爲戰守之備除戶部侍郎
左諫議大夫在職餘五十日而抗疏十三皆軍國
大議或致史彌遠意欲使有所彈劾將引以共政
伯成謝之曰吾豈傾人以爲利者疏乞詔大臣以
公減私左遷寶謨閣待制知鎮江府以老請祠嘉
定八年召赴闕以病辭理宗即位升直學士落致

仕于祠伯成辭免爲太子竑廢進昭明天常扶持
人極之說史彌遠甚惡之寶慶初以先朝元老召
尋加寶文閣學士提舉佑神觀奉朝請雖引疾告
老而猶以國事爲念適大理評事胡夢昱坐論諫
貶遂抗疏言陛下以共工驩兜之罪加之言事之
臣今廷臣無一人論救萬一貶者死於瘴癘陛下
有殺諫臣之謗史冊書之有累聖治不報明年加
龍圖閣學士提舉鴻慶宮復辭伯成性資純實表
裏洞達每稱人善不啻已出語及奸人誤國邪頗
害正則詞色俱厲疾革猶手草遺奏卒年八十四

贈開府儀同三司謚忠簡所著有竹隱居士集三十卷奏議十卷耄志六卷子壘康

傳壘字仲珍慶元二年進士知崇安縣以鹽息錢糴粟爲均惠倉買田以增學廩立義塚以塋露骨邑人爲立祠以課最召累遷大理丞歷陽倅葉禾爲豪商誣繫大理獄具稱寃壘審覈得實卿以下患之臺劾俱罷旋以獄真知南劍州改漳州與父簡相繼爲守政如其父邦人安之徙撫州丐祠端平初以都官召未造朝卒

傳康字仲孚以父任知古田縣猾胥匿簿書賦入

日少康籍其家出所匿按覈得實邑計以饒召爲
司農丞知汀州時兄壘守漳忠簡往來就養鄉人
榮羨徙南劔發奸摘伏吏不敢欺端平中累遷司
農少卿兼右司諫諳熟典章上其材之督府挾重
權多難從之請引誼拒却朝倚爲重晚知袁州直
徽猷閣致仕少受詞學於伯父伯壽以文名

莊方字邦直晉江人隆興元年進士歷富沙鎮官
莆守擅放民租詔漕司覈實判官王佐以委方且
數其虛誕詰之曰方懷波新橋利戶以對且曰

方字邦直

晉江人

隆興元年

進士

帥司方歷陳不可遂寢知昭州以漢元疏為廣
萬安黎爭田守擅興師致敗坐累貶歸後起叅議
京西卒子柟

莊柟字子修以父任補官荆湖制帥趙方器之辟
信陽州判官攝守事虜圍城與戰破之改羅山建
言遷治霸山之便朝議是之仍依萬弩關築山砦
虜至扼關擊之擒其木牌郎君通判江陵海櫃久
廢帥令修復之築櫃八隘口十三又增三海益兵
守隘以時停泄知峽州終江東叅議官

趙惇字彥忠待制思誠之子與朱文公善為福建

運管以鹽法病民請恤竈戶均敷額歲衍鹽二百萬斤犯法者息知惠州覈積年吏弊得米七千斛錢五萬緡入于公斥其餘以惠民歷提舉常平卒于官

翁點字沂伯先莆田人登進士徙家于泉歷官湖南運判奏除本路酒權行部潭衡間官道濶淖甃爲坦途爲江東提刑常平使者行役法民多不便點貽書諭意亟更之郡人德焉

王保隆泉州人以大理評事知莆田縣於鳳凰山下開永豐塘民獲其利

石起宗字似之先同安人徙晉江乾道五年進士
第二人由勅局刪定官召試館職條對時務
卓然上覽奏稱善除秘書省正字再遷權倉部
官會當輪對上言君子小人之情狀與天下治亂
安危之機又言妄啟虜釁以開兵端不可不戒
判漳州知徽州除提舉浙西常平入爲尚書吏部
員外郎引對奏言德雖聖人所能躬脩治非聖人
所能獨致願詔大臣盡公任責破徇私媮惰之
又奏乞取仁宗洪範政鑒與敬天圖列置座右上
嘉嘆久之命秘書省繕錄以進後以考較類試卒

于院

鍾元鼎字和卿晉江人乾道五年進士知鄞縣政
尚愷悌耻以操切爲能賦輸不時臺府諒之通判
福州卒

黃宙字由仲晉江人乾道五年進士居鄉講授學
者從之游多名士石起宗其一也有論孟解詩文
雜著藏于家

曾秘字泰之同安人與朱文公友善乾道五年進
士薦爲國子監丞知惠州繕亭驛增冷泉叱馭等
庵以便行者民多稱之後知漳州卒